



烏白个童年

見擺摺係共綱个朋友，係講起細人時節拈蛇打蚓、爬樹蹶壁个日仔，斯比手畫腳、口涎波潑，當有興頭。無錯，該時莊下个細人仔，山、田、河壩係佢搞寮个天地；花、草、鳥蟲係佢做伴个朋友。聽到嘴勾勾个係問自家：「你細細在該做麼个呢？你个童年係仰般過个呢？」想去想轉，係个童年全無這兜奇奇巧巧个生趣事！

係讀國小个時節，鄉下个細人仔隻隻手腳流掠，搞起遊戲樣樣恁慶，偏偏係一隻阿姆嘴肚个「欽堵嘛」，毋曉跳索仔；毋曉踢雞毛球；搞「偷雞卵」个時節驚分人撻跔倒，企等毋敢停動；打「躲避球」又驚分球仔擲著，背痾痾亂走亂撞，麼儕係摺係共國啊，包輸無贏。係自家自重，下課留在伸無兩儕个教室肚無落無著，先生看著恁樣，逐朝晨國語日報一來，斯放在係个桌頂，去圖書館借書係也有優先權，係个童年斯恁樣風平浪靜過，無幾個朋友好搞，所以無安到快樂，毋過有書好做伴，乜無安到毋快樂。

所有朋友斯講係个童年係幸福个，三兩(liong)事斯毋識動，衫袋肚透長年有錢好買零嗒。在該儕儕打赤腳个時代，係有皮鞋、布鞋、水靴好換等著。落水天其他同學同等一坭水衣布斯上學，係有一領紅色靚靚个水衣好著，熱天時出門還有草帽仔好戴。生活算著係豐湧，毋過，係心肝肚總係有一隻缺陷。因為係摺老弟上下歲，所以兩、三歲斯跔阿婆睡，雖然阿婆惜係像命樣，係普普仔還記得，識在目睡覺醒，恬恬仔走到阿爸、阿姆摺老弟、老妹共下睡个眠床脣噉，看起來麼个都無少个童年，其實少忒个係阿姆三不二時个哀奶。到這下，係麼个事情斯因在心肝肚毋願講，可能斯係這種个童年環境造成个！

係姆管妹仔盡嚴條，毋肯係兜結群結陣出去遊遊野野。係婆在係七歲个時節就過身咧，無阿婆掙等，係毋敢違逆係姆，逐日乖乖在屋下寮，斯算過家乜毋敢走忒遠、寮忒久，加勝戴在街路肚，造成係毋識鳥也毋識蟲；毋敢搞水乜毋敢蹶樹，一直到這下，還分人笑係戴在莊下个都市人。

「係个童年係仰般過个呢？」認真想起來，除了一、兩個好朋友；一份報紙；一兜故事書以外，尋毋出麼个生趣、好搞个事情在係心肝肚停跔過。少忒色彩个童年，斯做得用「烏白个童年」來形容咧！

作者：張美容

☆詞彙學習☆

【共綱】kiung⁺ gong⁻：指同一世代。

【欽堵嘛】dem du ma：指手腳不靈活的女孩。

【雞毛球】gai⁻ mo⁻ kiu：毬子。

【跔倒】doi⁻ do⁺：跌倒。

【自重】cii⁺ chung⁺：自愛。

【加等】ga⁻ den⁺：披著。

【目睡覺醒】mug shoi⁺ gau⁻ siang⁺：睡一覺起來。

【哀奶】oi⁻ noi⁻：安慰、安撫。

【嚴條】ngiam tiau：嚴格。

【加勝】ga⁻ shin⁻：更加。